

# Vegni uffants al champ da vacanzas!

■ **Per la quarta giada envida la Pro Svizra Rumantscha (PSR) uffants rumantschs da tuttas regiuns e da la Bassa ad ina emna da vacanzas. Quest onn ha quella lieu a Sedrun e cuzza da sonda, ils 15 da fanadur fin venderdi, ils 20 da fanadur 2012. Puspè han ils manaders dal champ preparà in program interessant e divertent.** Il champ da vacanzas da la Pro Svizra Rumantscha (PSR) ha plaunsieu tradiziun. Suentier che quel è stà ils davos trais onns sut il motto teater vegnin nus quest onn cun ina nova purschida. Il tema è la natira e las ritgezzas da quella. Ensemen cun duas persunas dal fatg van ils uffants a la tschertga dals stgazi zuppads en las vals e muntognas enturn la tgina dal Rain. Già dapi generaziuns fascineschan l'aur ed ils cristals ch'ins po chattar qua. Pass per pass vegnan ils uffants introducids en ils misteris enturn l'aur ed ils cristals e cun in zic cletg pon els sezs scuvrir in u l'auter stgazi. Ils uffants pon dentant er

eleger autras activitads. Uschia pon els ir per in toc crap scalegl e furmar or da quel in object u schizunt ina ovra d'art. Per quels cun il nas fin datti la pussaivladad da tschertgar ervas selvadias e da cuschnar cun quellas. Durant ils tschintg dis da vacanzas datti pia ina vasta paletta d'activitads ed ils uffants pon emprender ad enconuscher ina nova regiun. A la fin da l'emna ha lieu ina pitschna exposiziun, en la quala ils uffants preschentan las lavurs e truvaglias a lur confamigliars ed enconuschents.

Manà vegn il champ da *Priska Berther* e *Sandro Cavegn*. Els han fatg dal chavar aur ed ir per cristals ina purschida turistica ed accumpognan già dapi blers onns a moda fitg cumpetenta uffants e creschids en questas activitads. Sper els guardan duas cuschinieras e duas giuvnas per il bainstar dals uffants.

Staziunads èn ils uffants durant il champ en la chasa da giuvenils Aurora a Sedrun. Quella sa chatta en il center dal

## Il champ 2012 en ina survista

### per tgi?

Il champ è concepi per uffants rumantschs en la vegliadetgna da scola (1.-9. classa).

### cura?

Dals 15 als 20 da fanadur 2012

### nua?

Sedrun (Val Tujetsch)

### alloschi

Casa da giuvenils Aurora ([www.auro-ra.ch](http://www.auro-ra.ch))

### custs

280 francs per persuna

A commembras e commembers da la Pro Svizra Rumantscha vegn concedi ina reducziun da 30 francs

### organisaziun

Pro Svizra Rumantscha, 7188 Sedrun

### Persunas en il champ

Priska Berther e Sandro Cavegn. Sper els guardan duas cuschinieras e duas giuvnas per il bainstar dals uffants.

### Dapli infurmaziuns

Arno Berther, 7188 Sedrun

[psr@rumantsch.ch](mailto:psr@rumantsch.ch)

aurira GmbH

Sandro Cavegn e Priska Berther

7188 Sedrun

[info@aurira.ch](mailto:info@aurira.ch)

### annunzias

èn da far tar il secretariat:

Andrina Flepp-Jacomet

Via Alis 12

7188 Sedrun

tel. 081 633 44 77

[psr@rumantsch.ch](mailto:psr@rumantsch.ch)

### termin d'annunzia:

fin ils 15-06-2012

La cifra da participantas e participants è limitada a 40 persunas. I vegn prendi resguard che tut las regiuns rumantschas sajan represchentadas adequatamain. Per il rest vegnan resguardadas las annunzias tenor successiun.



Champ uffons rumantschs a Sedrun en Tujetsch.

MAD

vitg e porscha ina infrastruttura moderna, bler spazi ed in bel conturn.

Ina chausa unica dal champ èsi che uffants rumantschs da l'Engiadina, dal Grischun central, da la Surselva e da la Bassa pon s'entupar durant ina emna e realisar communablmain in project. Els vegnan ad udir las autras varietads ru-

mantschas e pon uschia sa persvader ch'i va da sa chapir e da communitgar in cun l'auter senza problems pli gronds. La Pro Svizra Rumantscha considerescha perquai quest'emna da vacanzas er sco contribuziun a la chapientscha ed al barat tranter ils Rumantschs e las Ruman-tschas.

Arno Berther